

王恭伯傳
張令傳
洛京獵記
魚服記

五真記
張遵言傳
洛神傳

靈應傳
白蛇記
侯元傳



侯

元

傳

撰人不詳

中華書局

侯元傳

侯元者。上黨郡銅鞮縣山村之樵夫也。家道貧窶。唯以鬻薪爲事。唐乾符己亥歲。於縣西北山中伐薪。回憩谷口傍。有巨石嵒然若夏屋。元對之太息。恨己之勞也。壑未絕。石剝然豁開。若洞中有一叟。羽服烏帽。髯髮如霜。曳杖而出。元驚愕。遽起前拜。叟曰。我神君也。汝何多歎。自可於吾法中取富貴。但隨吾來。叟復入洞門。元從之。可數十步。廓然清朗。田疇砥平。多異花芳草。行數里。遇橫溪。碧湍流苔。鶯鷓泝洄其上。長梁天矯。如晴虹焉。過溪北。左右皆喬松修篁。高門渥丹。臺榭重復。引元入別院。坐小亭上。簷檣階砌。皆奇寶煥然。及進食行觴。復目所未覩也。食畢。叟退。少頃。二童掛元詣便室。具湯沐。進新衣一襲。冠帶竟。復導至亭上。叟出命僕設淨席於地。令元跪席上。叟授以祕訣數萬言。皆變化隱顯之術。元素蠢蠢。至是一聽不忘。叟戒曰。汝雖有少福。合於至法進身。然面有敗氣未除。亦宜謹密自固。若圖謀不軌。禍喪必至。且歸存思。如欲謁吾。但至心叩石。當有應門者。元因拜謝而出。仍令一童送之。既出洞穴。遂泯然如故。視其樵薪已失。至家。其父兄驚喜曰。去一旬。謂已卒於虎狼之吻。元在洞中如一日耳。又訝其服裝華潔。神氣激揚。元知不可隱。乃爲其家人言之。遂入靜室中。習熟其術。朞月而術成。能變化百物。役召鬼魅。草木土石。皆可爲步騎甲兵。於是悉收鄉里少年勇悍者爲將卒。出入陳旌旆。幢蓋鳴鼓吹。儀比列國焉。自稱曰。聖官。有三老。左右弼。左右將軍等號。每朔望必盛飾往謁神君。神必戒以無稱兵。若罔欲舉事。宜待天應。

至庚子歲。聚兵數千人。縣邑恐其變。乃列上上黨帥高公潯。命都將以旅討之。元馳謁神君。請命。神君曰。既言之矣。但當偃旗臥鼓以應之。彼見兵威若是。必不敢內薄而攻我。志之。慎勿輕接戰。元雖唯諾。心計以爲我奇術制之有餘。且小者不能抗。後其大者若之何。復示衆以不武也。既歸。令其黨戒嚴。是夜潯兵去。元所據險三十里。見步騎戈甲蔽山澤。甚難之。明方陣以前。元領千餘人直突之。先勝後敗。酒酣復擒至上黨。繫之府獄。嚴兵圍守。旦視枷穿中。唯燈臺耳。失元所在。夜分已達鍋韃。徑詣神君。謝罪。君怒曰。庸奴終違我教。今日雖幸而免。斧鑕亦行將及矣。非吾徒也。不顧而入。鬱悒趨出。復後謁神君。虔心叩石。石不爲開矣。而其術漸歇。猶爲其黨所說。是秋。率徒掠并州之大谷。而并騎適至。圍之數重。術既不神。遂斬之於陣。其黨輿散歸田里焉。